

DISPUTATIO MEDICA

De

PTYALISMO,

Quam

Divini Numinis Auspicio

Authoritate & consensu Amplissimi Collegii

Medici in Illustri EBERHARDINA,

P R Æ S I D E

Viro Nobilissimo, Amplissimo, Experientissimo,

DN. JOH. CUNRADO BROTBECQUIO,

Medicinæ Doctore ac Professore in Inclyta

Tubinga celeberrimo, Præceptore ac Patrono

suo summa observantia colendo,

Pro supremis in Medica Facultate honoribus

& Privilegiis legitime & solenniter impetrandis

Publico ac solenni submittit

examini

JOH. ANDREAS GERHARDUS,

Tubing.

Ad diem 20. Octobr.

T U B I N G Æ,

Typis JOHANN. HENRICI REISI,

ANNO M. DC. LXXI.



I. N. J.

PROOEMIUM.

DE illustri illa aquarum humo-
rumque in Macro & Microcosmo sese
inter analogia, cum in Oratione Medi-
corum anniversaria, Divoque Raphaeli
Angelo sacrâ, mihi quondam sermo fue-
rit; Ejusdem illius, exempli loco, rivulum aliquem ex
occlusis Microcosmi faucibus scaturientem, *Salivam* pu-
to, in pagellas hasce derivare, quidq; in humana pro-
fit vel obsit Oeconomiae pervestigare, locoq; Disputationis
Inauguralis in præsens proponere, placuit. Huic autem
in Macrocosmo si quæramus analogū quodpiam fluen-
tum, nil commodius sese nobis offert, ut tamen parva
magnis componamus, quam celeberrimus ille, totque
laudibus decantatus *Nilus*. Ut enim hic, ad justam
circa solstitium Æstivale crescendo mensuram, univer-
sam Ægyptum fœcunda beat alluvione, Saleque cen-
trali, Sulphure & unctuofo Mercurio prægnans, sum-
mam seminibus largitur fœcunditatem, deficiens con-
tra, vel nimia aquarum mole adauctus, aut sterilitatem,
aut segetum inducit corruptionem. Ita & Microcos-
mica illa oris unda, iisdem prægnans principiis, cibis,
tanquam seminibus in alimoniam totius corporis no-
stri destinatis, sub certa sese commiscendo mensura,
debitam in ventriculo maturitatem ut assequantur,
procurat; dum in defectu contra, aut excessu si peccat,
A coctioni

coctioni maximè officit, eamque turbat. Quibus cum aliis denique accedit nostri in utriusque vera origine exploranda seculi fœlicitas, cujus utramque inventionis historiam scire qui desiderat, *de Nili origine adeat Epist. P. Paus apud Ath. Kircher. in Mund. subterr. tom. 1. p. 72. & in Oedip. Egyptiac. Syntag. 1. p. 48.* Nostri autem rivuli sat accuratè inquisitam originem, effectus, casusque varios, præcipuè *Ptyalismum*, apud Anatomicos atq; Medicos infra laudatos inveniet. Tu interim ô benignissime DEUS limpidissimis nos irriga veritatis, sapientiæque tuæ rivulis!

THESIS I.

IN frontispicio tractationis nomen explicaturi, accedimus, 1. Ad *Etymologiam*. Vocatur à Græcis præsens affectus *πυαλισμός* & *σαλισμός* à *πυελύζειν* & *σαλύζειν*. h. e. *πλάκας πύειν* sæpius expuere, ut ipse *Pergamenus explicat Com. l. 1. proreth. 30.* Latinis Salivatio est à Saliva, h. e. sputo seroso. Saliva *Isidoro* à Sale dicitur, quod Salis saporem æmuletur, quem in statu p. n. aliquando manifestum esse uti non negamus; ita si sola peccet copia non ita facile deprehendi posse, utut Substantiæ Salinæ per naturam non sit expers secundum experimentum quotidianum ac *Stenonis in obs. de gland. or. ip. 27.* asserimus. Aliis à Salio, quod in ore saliat, derivatur. Græcis est *πύσμα, σαλῆς, σάλος & σάλον*, hæc enim promiscuè usurpari, licet re differant ex *Gal. monet Sebix in Manual. Pr. p. 2. Sect. 4. c. 47.* Quomodo verò differant sputum & saliva explicat *Dieric. iniatr. Hipp. p. 1082.* Saliva enim communiter est ille liquor qui ex glandulis *σαλύχοις*. & sine tussi vel excreatione excernitur. Ex thorace verò cum tussi dicitur *πύσμα*, sicut quod per glandulam pituitariam affluere dicitur *μύξα & βλέννα* seu mucus appellatur autoribus. 2. *Synonyma* sunt *σιελισμός*, & *πυελισμός*, Salivatus, Sputio, Expuitio, quamvis Germani vix vocem aptam, qua reddant habeant, sed vocatur ipsis hæc *actio*, wann sie viel Speichel von sich geben/ oder Speichel-Krankheit. 3. *Homonymiam* quod concernit, Sputatio seu Salivatio notat. 1. Impropiè & Tropi-

cè rei

cè rei alicujus averfationem, detestationem, ut & contemptum, unde proverbialiter usurpari consuevit, de quo vid. *Eras. in Adag. & Basil. Fabr. Thes. Erud. Schol.* in verbo spuo. cui addimus sputationem Pthificam, Pleuriticam &c. *Propriè* 2. loquendo denotat Sputationem latè vel strictè, aut denique strictissimo in sensu sumptam. Sub *latiori* significatione 1. Ponimus *Naturalem* & communem illà, aque objectis gratis proleſtatam Salivationem, unde illud: Salivam h. e. gustum aut appetitum movere, proverbiali sermone enatum est; hæcque in brutis extillatoria, in homine ejectoria dici meretur. Cui 2. addimus *peculiarem* & idiocraticam illam, Nobilis cujusdam, ex *Thom. Bartholin. cent. 3. Histor. Anat. 77.* quem, quotiescunque cibum sumit, larga sputatione laborare refert, extra tempus verò illud nihil, etiam inter loquendum expuere, quanquam liberalius quandoque amicorum in gratiam invitatus potu se ingurgitet. Nec 3. hic excludi posse videtur *consuetudinalis* & familiaris illa quorundam inter loquendum expuitio ex *Sennert. l. 2. Pract. c. de Ptyalis.* *Strictè* verò sic dicta involvit 1. *Artificialem* seu Medicam, vi Salivalium Medicamentorum excitatam. 2. *Criticam*, quæ sub respectu debito, secundum & p. n. dicitur, salutaris tamen existit. Tandem *strictissime* p. naturalis illa Salivatio mox definienda, quæque sola hujus est scopi & loci, in medio nobis relinquitur.

II.

Est autem Ptyalismus, seu Salivatio præter naturam, Salivæ in oris cavum per ductus salivales copiosius effusa, & facultatem expultricem irritantis, lingua & labiorum ope præternaturalis, crebra atque involuntaria, ex ore ejectio sive expuitio.

Generis loco stat hic nobis ejectio latiori, vel expuitio strictiori in sensu sumpta. Estq; hæc remotè actio & quidem motoria, propius verò *expulsoria* animalis, Salivæ copiosioris aut simul aliter vitiatæ collectionem, productionemque præsupponens. *Præternaturalem* verò vocamus ratione causarum, effectuum, accidentiumque subsequentium, infra adducendorum. Imprimis autem *crebra* dicitur ob conjunctas sæpiusque reiteratas ægroti summa cum molestia sputationes. *Involuntariam* denique dicimus, quoniam per injussum spontaneumque materiæ illius affluxum, ad permolestam aliquando-

que noxiam expuitionem irritantur ægri; Quare ptyalismus rectè inter Symptomata vacuationis auctæ, excretorumque vitia numerari debet. Atque hinc etiam, vel per solam hanc generis restrictionem, à præmemoratis oris excretionibus hæc nostra Salivalis de facili discernibilis est.

III.

Subjecti seu partis affectæ loco ponimus hic oris cavitatem, cum lingua, genis, palato gingivis, dentibus, glandulisque adjacentibus, quatenus passivè hic sese habent, præterque naturam affliguntur, copiosam, nempe Salivam admittendo, suscipiendoque, molestias etiam ac noxas inde exortas sustinendo, quales sunt, tumores, dolores, ulcera, aliaque p. n. sese nonnunquam associantia. Totum verò corpus si respiciamus, maximè huc pertinent homines phlegmatici, melancholici, splenetici, serosi, quique Scorbutica labe sunt infecti, secundum placitum. *D. D. Balthasaris Metzgeri, Patroni ac Præceptoris mei æternùm colendi in disp. 3. de sang. in circ. mot. th. 16.* Neque ex hoc censu excludendi sunt infantes, ob nimiam humidi in corpusculo humido & tenello, principiaque adhuc sua redolente, abundantiam.

IV.

Expuiioni cum præter Subjectum, *Objectum* quoque debeatur, sive materia quædam, ut ita loquar, expuibilis, *Salivam* ei destinari patet; Cujus in præsens & *Descriptionem*, ejusdemque ad morbum hunc *Applicationem* damus; est autem ut de priori loquamur, juxta *Nic. Hoboken. in cog. med. Physiolog. p. 249. Anton. Lindan. in Melet. Med. p. 92. Gerb. Leonb. Blas. in Med. gen. p. 63. &c.*

Saliva in statu secundum naturam nihil aliud, quam pituita, seu liquor humorque spumofus, pellucidus, albicans, dulcis subpinguis, nec non subsalsus, ex sero maxime seu aqua multa, pauco spiritu volatili & minimo Sale lixivioso, cum pauco oleo ac spiritu acido temperatis constans, qui caloris ope ex sanguine potissimum arterioso in glandulis maxillaribus genitus, segregatus, saccatusque h. e. colatus, per ductus Salivales in oris cavum propellitur, humectationi, ablutioni, gustationi, masticationi, deglutitioni, coctioni, ac fermentationi inserviens.

V.

Quo autem hæc eo melius innotescant, sciendum 1. Salivam præter efficientes causas, pro *materia* sua non solum alimenta, sed & chylum & sanguinem, eumque præcipuè arteriosum agnoscere; cui succum aliis addere placet nervinum, de quo tamen cum nondum satis constet, ne cum *prælaudato Præceptore ac Patrono meo l. c.* ulcus hoc tangamus, in medio illum relinquimus. *Transmittunt* autem 2. materiam hanc vasa chyliifera & lymphatica, cor, arteriæ, alia quidem horum primis ex viis, nonnulla ex venis visceribusque reliquis, nec non alia ex artubus advehentia sese prius replere solent, unde quod communicent, habere queant. Transmissum verò 3. humorem glandulæ *excipiunt* stomaticæ & Salivales, præcipuè verò conglomeratæ, maxillares & parotides, de hinc buccales, sublinguales ac palatinæ, quibus & tonsillæ sunt continuæ (quarum munus Salivæ præparatorium hodie aliqui volunt & statuunt) unde in has influxi, recepti retentique liquores in Salivalem alterantur convertunturque materiam. Generatus jam 4. Salivalis ille, inque se tenuis fluxilisque latex, *usum* suum nemini desiderantium sese partium invidens, porro per ductus Salivales, sive per vascula, & foraminula quæque sua, in omnes oris partes effusus sese diffundit; si quid verò reliqui fuerit, id vel per glandulas conglomeratas, earumque vasa, vel per venas glandulis quibuscunque implantatas quasi resorptum, ad cor reducitur, vel sub sputi nomine ac forma per linguæ, genarum labiorumque complicationem, ad suctionem & impulsum quendam extra os eliminatur. Hæcque brevitatis ergò obiter delieneata sufficiant; plura qui velit, hauriat ea ex ipsis, unde & hæc hausta sunt, Anatomicis celeberrimorum virorum *Tb. Bartholini, Tb. Whartoni, Fr. Sylvii Fr. Glisson. J. ab Horne. Guil. Charleton. Nic. Stenonis, Gerh. Leonh. Blasii* aliorumque fontibus.

VI.

Explicationi huic de naturali Salivæ constitutione, succedit nunc ejusdem ad statum præternaturalem, in Ptyalismo nempe, *applicatio*, quæ tota in oppositis versatur terminis, estque triplex. Ætiologica, Semiotica & Practica. Quem ordinem obversaturi, accedimus 1. ad *causas*: Inter quas primū locum damus *Salivæ copia, vel & aliis subinde modis peccanti*, quam gignunt aliæ, aliæ movent & ad influxum im-

pellunt causæ. Illæ sunt res vel Naturales, Nonnaturales, vel res Præternaturam.

VII.

Ad *Naturales* optimo jure referri possunt temperamentum frigidum & humidum, quale phlegmaticorum & suo modo melancholicorum. Ætas infantilis, Sexusque sequior &c.

VIII.

Succedunt ex *Nonnaturalibus* æris & anni constitutiones Aquiloniæ, ob frigoris insensam & in destillationes promptam vim juxta *Hipp. 5. Aph. 24.* cum primis verò flatus austrini. *3. Aph. 5. 17.* austrina enim ac pluviosa æris constitutio, tum transpirationem impediendo, perq; inspirationem multas aqueas atomos communicando, uberem Ptyalismum præbet materiam; ex qua causa Epidemicum factum fuisse Ptyalismum Anno 1565. apud Batavos refert *Forrest. l. 14. obs. 23.* qualem & in Italia ex peculiari quodam cœlesti influxu progeneratum suo tempore scribit *Bened. Veronens. l. 4. cap. 18.* Adjicimus hisce loca austro pervia, palustria, aquis australibus inter ortum & occasum Solis hybernum impuris & squalidis abundantia, nec non Septentrioni quodammodo ob frigoris alterantis vim exposita, quæ fusius & pensiculatus *Hipp. in lib. de aer. loc. & aq.* legenda exhibuit.

IX.

Hæc sequuntur *ingesta* ratione copię peccantia, ceu materia copiosior externa & remotissima, cibi horæ præprimis ab *Hipp. dicti*, alique multam serosam humiditatem suppeditantes, ex quibus chylus aquosior, ex hoc sanguis serosior, exinde verò tandem ipsa superflua Saliva ortum suum ducit. Potus itidem nimis largus; quare Persis indecorum erat atque ignominiosum expuere, ut refert *Xenoph. l. 4. de expedit. Cyri.* quoniam pro certo crapulæ & repletionis agnoscebant indicio. Sic etiam vis causandi varièque alterandi ac lædendi, à reliquis Nonnaturalium speciebus, & præcipuè à scrofitatibus retentis in propatulo est.

X.

Præternaturales si inspiciamus causas; primum ducit ordinem jure meritoque *Ventriculus*, ex se & sua naturæ debilis, aut quando post chronicos morbos fermentum ventriculi est absumptum, aut p. n. acidū quantitate & frigiditate sua caloris interni actiones impedit,

dit ac depravat, multæ inde oriuntur cruditates, ex his autem multū feri. *Lienis* etiam vitio affectū hunc produci, præter autoritatē Hipp. qui lienosos Salivatores, Sputatoresque vocat, satis probat *Sennert. l. 1. Inst. Maj. part. 2. c. 7.* cum quo consentit nunquam non honorifica mentione nominandus *Dn. D. Metzger. in accuratiss. Disput. de Us. Lien.* postquam enim veritati Lienisque structuræ congruum esse, ut ad facilem elutriationem in solitis naturæ emunctoriis celebrandam, sanguinem five substantiæ proprietate alterando, five peculiari imprægnando fermento disponat, statuit, de actione ejus læsa hisce verbis, l. c. p. ultima conqueritur, Cum nullum sit aut substitui possit in corpore viscus, quod Lienis subire vices norit, nec retrimenta Sanguinis Lienis virtute domita, aliorum viscerum monita audiant, sequanturque, alimentari relicta massæ, toti corporis Oeconomix ruinam minantur, nihilque non turbarum inferunt; caput habet quod doleat, cor, quod palpitet, artus, quo trepident, cutis quod sudet, os, quod expuat, reliquæque pariter sanguinis partes affluxu indigæ, abunde, quo de conquerantur, inveniunt. Multo minus extra culpam videntur esse *renes*, serum in corpore copiosum debiliter separando; ut & *Pancreatis*, cæterorumque sanguificationis viscerum, & reliqui etiam corporis habitus, in materiæ serosæ sibi debitæ separatione, segnitie, de quibus hic prolixius tractare paginæ vetat angustia. Infantibus quoq; sub dentitionis tempore commune solet esse istud Salivæ profluvium, non solum ob calorem & dolorem, hincque dependentem partis debilitatem, quam quod forte inter erumpendum vasa quædam, & illa quidem exigua & minora, quæ oculatissimus Steno inter dentes in gingivis collocat, disrupta fuerint atque dilacerata, unde Salivæ exundantis origo; Nec non ob læsionem vasorum supradictorum per incisionem, dum frenulum linguæ incidere conantur, aberrantesque vasa simul lædunt Salivalia Chirurghi, cujus exemplum ex *Riol. 4. Anthropol. 10.* adductum vid. in *disput. supr. cit. de circ. sang. mot.* aut in dentibus evellendis gingivarum carnem ope cultelli removent; vel in extractione illorum illa rampunt.

XI.

Huc denique facit ejusdem *humoris retentio* in organis evacuationi destinatis, secundum *Sennert. l. 1. Prax. part. 2. de catarrh.*

catarrh. & Sylv. in Prax. Med. p. 580. Uti sunt; sudoris ac urinæ suppressio, excretio imminuta mensium, hæmorrhoidum fluxus imminutus, suppressus, alvus sicca, ut & venarum, vasorumque Lymphaticorum, aliquid seri reducentium, obstructio. Quibus addimus etiam, quod absque præexistentia superflui alicujus in toto humoris, sola debita illius copia, à causis proximè allatis & afferendis. p. n. effundi, atque sic ptyalismum excitare queat, eumque non molestum duntaxat, sed & privativè, ab exhaustu videlicet, noxium. Sæpe insuper diutius retenta & corrupta, aliaque p. n. admixta Salivam quoque adulterant.

XII.

Materiam hoc modo generatam, collectamque, ad os, tanquam terminum ad quem propellunt, i. *commoventes causa*, quarum aliæ id agunt per se, aliæ per accidens. Sunt autem illæ vel internæ, vel externæ. Ad istas referimus ipsam animam motrice facultate sua instructam, ut & organis idoneis, spiritibus caloreque debito armatam, id quod officium organicum, cordi imprimis ac arteriis deferimus, utpote quæ impulsu propulsuque suo serosum sanguinem ad glandulosas & salivales illas oras largius transmittunt, reliqua quoque viscera ac vasa circulationis ope, quod nemo facile saniorum Medicorum negabit, in operis hujus trahunt consortium, ab his namque, quicquid cor communicat, antea accepit. Inter externas ea numeramus, quæ supra §. 8. 9. quatenus vi movendi pollent, continentur.

XIII.

His succedit 2. *dispositio Subjecti* tam universalis, quam particularis, ad motum adjuvandum calida, & ad materiam transmittendam in arteriis, ductibusque aliis magis pervia ac libera, tum denique in glandulis stomaticis, seu recipientibus, porosa. Requiritur insuper ipsius humoris transmittendi mobilitas, quam arteriosi serosi-que sanguinis tenuitas, subtilitas & spirituositas, sive volatilitas, ut cum Chemicis loquar, salina & sulfurea promptè conciliant. Serum enim ad quamcunque, biliosi præsertim sanguinis effervescentiam unà ebullire, ac sæpius Orgasmo quodam efferum ac effrænatum, spontè sua sursum deorsumque debacchari rationibus & exemplis comprobant Carol. Piso de Colluv. Seros. & Sennert. l. i. Prax. part. 2. c. 34. de catarrh. nec non Excell. Dominus Praeses, Praceptor

ac Fautor meus, omni observantia honorisque cultu prosequendus, in Disput. Inaug. de Catarrh. Suffoc. p. 14.

XIV.

Ut autem massa sanguinea *ab extra* etiam motum concipiat p. n. adeoque humores serosi attenuentur, adque os propellantur, faciunt huc, ut clariùs explicem, æstus, radii solares, & omninò aër calidus, ob quem tempore Verno catarrhi sunt frequentes, non quod humores per hyemem in capite collecti, aëre calidiore, magnâ cum mole resolvantur ac diffuant; Quis enim tantam feri copiam, quæ Verno tempore sæpius per Salivationem evacuatur, sine maximo vitæ periculo tamdiu in capite subsistere posse crederet? Sed fit hoc ideo, quia non solum tempore vernali secundum *Willis. tr. de febr. p. 135.* massa sanguinea non secus ac succi vegetabilium, spontè quasi sua magis fermentare ac efflorescere incipit, sed quoque atomi igneæ per inspirationem cutisque poros corpus ingressæ, eam adaugent; Calor itidem hoc facit hypocausti, balnei, frictiones intempestivæ capitis cum pannis calidis; unde major sanguinis, & per consequens feri ad caput affluxus; coopertura ejusdem nimia, Medicamenta calida & acria, Apophlegmatizonta Medicis dicta, qualia sunt salvia, Pyrethrum, majorana, cubebæ &c. præsertim verò ex Mercurio præparata; ut & môra sub radiis lunaribus. Luna enim præ cæteris astris naturam adepta est, atque dotem, ut humorem non duntaxat elementarem, sed nitrosâ salinaque corpora mixtorum, tam inanimatorum, quam vegetabilium, sensitivorumque potissimùm alteret, & id quidem vehementius, quanto luminaria locis tam oppositionis quam conjunctionis viciniora fuerint, quod dilucidè demonstrat *Excellentissimus Dn. Præses in Disput. Inaug. supr. cit. pag. 11.* pulcherrimisque exemplis & experimentis illustrat *Kircherus in Mund. Subterr. Tom. 1. f. 131.*

XV.

Causas hæcce adjuvant demum *per accidens* môra in regione frigida, & aquilonaris aëris constitutio, tempusque hybernium, dum retentis vaporibus & fuliginibus in corpore massa sanguinea magis incalescit, effervescit, ipsumque serum copiosius ad glandulas amandatur oris, ut & motus animi & corporis vehementes.

XVI.

Supereſt jam ut poſt harum cauſarum ſeriem, ad ipſum quoque *expuitionis Salivalis actum*, ejusque cauſas progrediamnr. Bre- viter autem quicquid ſupra theſ. V. de naturali expuitione dictum eſt, id huc quoque ea lege quadrat, quatenus Saliva motu moleque p. n. auctiore ac frequentiore, in oris alveum jam effuſa, his, aliis- que vitiis ſuis guſtum tactumque lædendo, Salivatores moleſtiæ illius impatientes, ad crebro expellendum impellit atque fatigat.

XVII.

Ptyaliſmum à cauſis hiſce jam productum, juſtoque diutius affligentem, varii interdum, prout nimirum humor Salivalis nunc nimis copioſus, vel alienæ Subſtantiæ, qualitatisvè particulis, acidis, auſteris, Mercurialibus, aliisque ſexcentis eſt refertus; varii inter- dum conſequuntur p. n. *effectus & affectus*, variosque cudere no- vit morbos; Aphthas ſc. dentium vacillationes, oris exulcerationes, ut & dolores ac tumores partium vicinarum; Imò etiam per acci- dens, juxta *Th. Bartholin. in Spicileg. de vaſ. Lymph. p. 115. & 116.* morbi non leves, videlicet macies ob exhaustum, alvusque ſicca excretionem ſequuntur copioſam.

XVIII.

Effectum Ptyaliſmi ejus excipiunt *Differentiæ*, ſuntque hæ pro varietate rerum à quibus denominantur variæ. Termini à quo reſpectu Ptyaliſmus alius dicitur univerſalis, alius particularis, mit- tit enim nunc totum corpus, nunc partes; Cauſæ ratione exquisitus à ſolo ſero, ſpurius ab admixtis aliis vel ſubſtancia vel qualitate pec- cantibus. Ratione moris alius eſt benignus, alius malignus. Spo- radicus alius vel Epidemicus, habito ad tempus reſpectu, qualis fuit ille, cujus ſupra ex Foreſto & Benedicto Veronenſi mentio fa- cta fuit. Morborum denique vi à quibus dependet ac cauſarum, Scorbuticus, Melancholicus aut Mercurialis vocatur; & ſi quæ aliæ à modo læſionis, ætate, ſexu, aliisque accidentibus oriundæ ſunt differentiæ, quas brevitatis ſtudio conſultò omittimus.

XIX.

Semiotica nunc ſuccedit applicatio, ubi *I. Diagnosticè* Ptyali- ſmum ſi conſideramus, ut cognoscatur ſignis opus non habet, ma- lum enim per ſe notum eſt, quique hoc laborant, coguntur ſine
tuſſi

tussi & exscreatione, ob salivam copiosius ad os affluentem expuere, hocque modo distinguitur, à Salivatione improprie sic dicta, quæ est humorum pituitosorum, aliorumque ex pulmonibus ac bronchiis ad os delatorum, cum tussi excretio. A toto corpore materiam Ptyalismum suppeditari, indicium est, si febris adsit, cum ejus paroxysmo augetur vel imminuitur, vel alius, cujus Symptoma hoc analogum est, in toto morbus. A parte verò aliquando suppeditari, ejusdem præsens aut prægressa p. n. ex propriis signis hausta, constitutio indicat; exquisita an spuria sit, ex Salivæ sapore, colore, aliisque qualitatibus innotescit. Benigna, an maligna sit Salivatio, colligitur, ex modo læsionis humorum, hincque dependentibus Symptomatis; benigna enim cum est, præter humorem copia lædentem nullum aliud metuendum adest Symptoma; in maligna verò concurrunt oris, ejusque partium erosio, dentium vacillatio, casus, animi deliquium, aut summa cordis angustia. Scorbatica denique, an Hypochondriaca vel Mercurialis sit, ex signis horum morborum ac causarum concurrentibus pathognomonicis, causisque prægressis eruendum venit.

XX.

Prognosis quod attinet, gravior nunc, ac periculosior, nunc tutior leviorque est Salivatio, prout à morbo, aut causis levioribus vel gravioribus, benignis aut malignis, externis vel internis, cum vel sine vasorum læsione ptyalismum inducentibus, dependet; adeoque nunc facilius, nunc difficilius, nunc breviori, nunc longiori tempore curatur; Si verò diutius duret, morbi illi, quorum supra inter effectus mentio facta fuit, expectandi manent.

XXI.

Perspectis jam Theoricis, horum *ad Practicum Scopus applicationem*, pari curâ ut attexamus, ordo tractationis requirit. Quamvis igitur Ptyalismus tanquam Symptoma consideratus, inutilem nobis ac improprie sic dictam, præbeat Indicationem, nihilominus tamen sano quodam sensu ad veram Indicationem se reduci patitur, eandemque ferè cum catarrhis exposcit curationem. Quare totus *curationis Therapeutica Scopus* ad causas in actu positas, ad mobile nimirum & ad movens, nec non ad partem affe-

Etiam & noxas ipsi impressas, aliosque ad morbos hinc dependentes, erit dirigendas.

XXII.

Et 1. quidem ipsum *mobile*, seu salivalis humor, quocunque etiam modo, præter motum, peccans ac lædens, subjectivè sui è corpore educationem indicat. Sic enim sublato nocivorum accidentium Subjecto, eadem ipsa quoque tolli, uno quasi ictu necesse est. Seorsim vero, si in reliquiis qualitatis cujusdam vitium inhæserit, id alterantibus corrigendum, abolendumque venit. In specie si acres & falsi, mitigandi; si maligni, domandi; & quæ alia qualitatis vitia concurrere queunt, quæ singula suis contrariis expugnanda sunt. Abstinentum autem erit à vacuatione, si ptyalismus fuerit Criticus, aut jam diu duraverit; si materia ejus in toto non copiosa, nec aliis modis p. n. & cacochymica, sed à causis aliis commota duntaxat ac profusa fuerit.

XXIII.

Moventes autem *Causæ*, & quidem serum Salivale quatenus mobile, sive utile, sive inutile, habito partium mittentium ac deferentium respectu, revellentia, derivantia, vel ritè sistentia; partes verò alterando & corrigendo sedantia quoque, indicant.

XXIV.

Pars denique *affecteda*, glandulæ nimirum, ductusque Salivales, si vitio aliquo ad segregationem & effluxionem indebitam cooperante laborent, huic quidem in specie occurrendum, illis autem corroboracione satisfaciendum est. Nec tandem *effectuum effectuumque* Salivationem sequentium est obliviscendum.

XXV.

His ritè debitoque modo peractis ad *propylæcticam curam*, nos accingentes, Causas 1. Serum Salivale in corpore copiosius generantes, retinentes ac colligentes, viscera nempe affecteda, debitis remediis curare nitamur. Quare ventriculus, lien, renes, pancreas, cæteraque viscera, si vel ritè præparando, separando, excernendo &c. officio suo non satisfecerint, serumque plus justo cumularint, eadem correctæ, corroborata, sibi que restituta, in regiam muneris sui viam revocanda sunt. Externas autem 2. quas procatarticas vocant causas quod attinet, Diætæ potissimum beneficio è medio

è medio illas tollere oportet. Quæ etiam sola interdum, si affectus levior, aut ex solo sex rerum Nonnaturalium abusu aliquo exortus fuerit, pro integra curatione sufficere potest.

XXVI.

His autem scopis satisfacturi, materiam Indicatorum ex tribus fontibus, Chirurgico, Pharmaceutico ac Diætetico haustam paucis subjungimus. Et 1. quidem ex fonte *Chirurgico* generosum sese remedium illud, Venæ sectio nimirum sistit. Ptyalismus namque sicut Leucophlegmatia, juxta *Galen. in l. 4. de viñt. acut. comm. 3.* & adstipulante judiciosissimo *Ant. Ponce Santa Cruz. de imped. magnor. auxiliior. l. 3. c. 5. de supernatant. ferosâ*, in principio eget interdum sanguinis detractiōe, quando scil. ex retentiōe, vel hæmorrhoidum vel muliebrium, vel ex quapiam, si ita plethorica sit, causa, inceperit. Unde satis superque liquet, tam Evacuatoriam, quam revulsoriam phlebotomiam, ejusmodi in causis & casibus emolumento haud exiguo fore. Cui tamen in virium debilitate cucurbitas sacrificatas, ut & hirudines substituimus. Nec laude suâ destituuntur, in parotidum, genarumque præsertim tumoribus, vesicatoria pone aures applicanda, ut & frictiōes blandæ linteis fumigatis retrorsum ac tergotenus sæpè tractis. Maximè etiam arridet illud, quod *Fr. Sylvius l. 1. Prax. c. 49.* suadet: Nil utilius, inquit, est tumoribus glandularum curandis, medicamentis Sale volatili abundantibus, pro tumorum diversitate, cum aliis tepide contemperatis & mixtis, aut forinsecus applicatis, aut internè usurpatis. Hinc est quod tam utile in glandularum affectibus, unguentum Martiatum dictum, tot aromaticis constans, cui proximum althææ compositum, & à galbano hederæque gummi efficacius redditum. Quibus præservationis loco cauteria, fonticuli que administrati, magno ægri cum emulento, conjungi possunt.

XXVII.

Pharmacia porrò 1. nobis suppeditat purgantia phlegmagoga & hydragoga, qualia sunt è leniorum leviorumque classe desumpta; Manna, Agaricus, Mechoacanna alba, Sem Cartham. Syr. & mel.

rosat. solut. Syr. Diafer. Andernac. Syr. de Spina Cervin. &c. Ex fortioribus verò sunt Jalappa, Gumm. Gotte præparatum. Cort. rad. Esul. præparata pro pauperibus, in pharmacop. Tub. proft. ut & pulv. panchymagogus Warwich. tutæ citæ ac jucundæ operationis, quoque etiam per plurimos annos, cum præcedenti felicissime in cacochymia etiam serosa usus est Parens meus p. m. cui, si fortè Diagrydium non placeret, resin. Jalappæ substitui poterit. Nec etiam citra rombum putamus esse, *Vomitoriis* quoque suum, si concederemus locum, ad stomachi præsertim, si quæ urget, saburram per os excludendam ac evacuandam, cui scopo per leniora passim obvia, dehinc verò, si opus, per fortiora hæc: Vitriolū alb. præp. Syr. Diafer. Fernel. Emet. Angel. Sal. aut Aq. Bened. Ruland. & quæ alia Chymicorum nobis suppeditant officinæ, satisfaciendum erit. Nec demum Enemata alvum promiscuè eluentia, aut etiam fortiora, imprimis revellentia, ab initio quidem, præsentē primarum viarum colluvie, negligenda sunt.

XXVIII.

Inter *Diuretica* 2. recensemus præprimis temperata, salsedinemque feri simul, si peccet, temperantia, ex consilio *Fr. Sylv. l. 1. prax. c. 51.* utpote: ocul. 69. Corall. & similia blande calcinata, Lumbric. terrest. Liquirit. Alth. Flor. Sambuc. Linar. Syr. capill. ♀ Dialth. F. & quæ fortius movent Spr. Sal. dulc. Salia simplicium, Sambuci, juniperi, urinæ, tart. Pilul. Diuret. Clostæi. apud *Schröd. pharm. Chym. l. 2. c. 73.* quibus addimus ol. Tereb. juniper. nec non fœnic. ex *A Thoner. l. 3. obs. 7.* quo felici cum successu præsentī in affectu usus est.

XXIX.

3. *Sudoriferis* juxtaq; *alexipharmacis* si opus, præter recensita superius nonnulla, conducunt insuper juxta *Fr. Sylv. l. c. c. 49.* quæ Sale volatili constant, Card. bened. juniper. Scorzoner. C. C. Unicorn. ver. & foss. quibus etiā *Ægagropilos* ex commendatione peculiari *Cl. V. Georg. Hieronymi Velschii in dissert. de illis edita*, annumerare placet, illos enim eximia siccandi ac Diaphoretica sua vi *Ptyalismo* exhausti-
do

do egregiè p. 51. conferretestatur. & p. 59. ex conserva florum Salviz cum Serapio Mastichino à gr. X. ad XX. p. 53. exhibere jubet.

XXX.

Ex humorum 4. tam *fluxilitatem* sistentibus, partiumque mitentium calcaria retundentibus, quam viarum *laxitatem* simul adstringentibus, proponimus: Papav. errat. Nymph. phantag. verbasco. ros. rubr. salv. nuc. cupress. balauft. hypocyst. lign. aloës alum. & ex quibusdam horum præparata; Spec. Diaplantag. Essent. ejusd. Diamart. M. &c. In extremis autem; Opiata tuta, Laudana, Diacod. Croc. M. Th. Cœl. Querc. cum tantillo Laudani alicujus.

XXXI.

In Specie tandem *ad omnes partes exiccandas ac roborandas*, ex astringentibus jam citatis, ut & aliis à Sennert. in l. 2. Prax. c. de Ptyalis. selecta, sub forma decocti præscribi, inque ove quietè detineri queunt. Veteres interea Medicos, Ventriculum caputque, quâ affluxum accusantes, ad Ventriculi querelas Swalvianas, & ad cerebri in glandulas depluentis innocentiam, vi autopsiæ anatomicæ ablegamus, nec proinde in præsentī curam eo dirigimus. Legatur hæc de re Bernhard. *Swalve de Ventriæ. querel. p. 249.*

XXXII.

Fons ultimò *Dieteticus* legitimo sex rerum Non-naturalium usu absolvitur; Aër sit purus, siccus, & pro diversitate causarum nunc ad calidum, nunc ad frigidum declinans. Cibi vitentur, concoctu difficiles, acres, frigidi & aquosi, multamque serosam humiditatem suppeditantes, de quibus supra mentio facta; Cœna sit parca. Potus vitetur copiosus, ut & qui facilem in massa sanguinea excitat fermentationem, cujus generis sunt liquores ex pomis, pyris, uvis récenter expressi, ut & cerevisia nondum ritè fermentata. Eligatur autem potius ex Bened. Sylvat. Cent. 11. Conf. 67. decoct. ex Lign. Guajac. Santal. citr. lentisc. Visc. Querc. Sassafr. ut & nostrate Juniper. frax. cum rad. Chin. Somnus sit moderatus, ut & vigiliæ, quæ etsi alias vim habeant exiccandi ac absumendi humores superfluos, si tamen plus justo durent, cruditates, hincque copiosos humores peccantes producant. Alvus quoque semper respondeat, nec sit occlusa, in Hypochondriacis & Spleneticis præcipuè, ubi præter usitata memoratu imitatuque dignum

dignum est, quod invincibilis aliàs alvi constipatio per globulum ex auro obrizo fofum, confectum, deglutitum, exclusum, totiesque iterum deglutitum, in Barone quodam Fuggero, etiam cum substantiæ auri quadam jactura, feliciter soluta fuerit, & aliàs etiam optimè sese habuerit. Quam curam à Dn. Avo meo b. m. præscriptam, & à Dn. Parente meo etiam Coelite, in *Panacea Hermetica. Quest. annex. p. 30.* annotatam invenies. Ubi notandum, quod alvino huic, alterum quoque virtutis corroboratæ beneficium, (quo etiam in tali Ptyalismo, ut & in illo præcipuè, de quo supra ex Bartholino mentio facta, opus est) accesserit. In corporis denique motu, animique pathematis aurea observetur mediocritas; ut enim ira effervescentiam sanguinis inducendo humores serofos fundit, adeoque ad hanc vel illam partem ruere facit; ita mœstitia Spiritus absumendo plurimarum in corpore cruditarum mater est. Atque sic tandem nostrum huc illuc derivatum claudimus rivulum.

SOLI DEO SIT LAUS, GLORIA ET HONOS.

